



Broj: 07-02-04-13232/23
Sarajevo, 18.04.2023. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 3. stav (1) Odluke o standardima i kriterijima za izbor i imenovanje na pozicije predsjednika i članova upravnog odbora Kantonalne agencije za privlačenje investicija i privatizaciju ("Službene novine Kantona Sarajevo", broj 25/22), tačke I i II Odluke o raspisivanju javnog oglasa za imenovanje predsjednika i članova Upravnog odbora Kantonalne agencije za privlačenje investicija i privatizaciju ("Službene novine Kantona Sarajevo", broj 29/22), a u vezi sa članom 14. Zakona o Kantonalnoj agenciji za privlačenje investicija i privatizaciju ("Službene novine Kantona Sarajevo", broj 19/22) Ministarstvo privrede Kantona Sarajevo, u ime Vlade Kantona Sarajevo,

PONIŠTAVA

Javni oglas za imenovanje predsjednika i članova Upravnog odbora Kantonalne agencije za privlačenje investicija i privatizaciju broj: 07-02-04-48340/22 od 29.11.2022. godine, koji je objavljen u "Službenim novinama Federacije BiH" broj 96/22 dana 02.12.2022. godine, u dnevnom listu "Dnevni avaz" dana 01.12.2022. godine i na web stranici Ministarstva privrede Kantona Sarajevo web: <http://mp.ks.gov.ba> dana 01.12.2022. godine i **ponovo raspisuje**

JAVNI OGLAS ZA IMENOVANJE PREDSJEDNIKA I ČLANOVA UPRAVNOG ODBORA KANTONALNE AGENCIJE ZA PRIVLAČENJE INVESTICIJA I PRIVATIZACIJU

I - Predmet

Raspisuje se Javni oglas za imenovanje predsjednika i članova Upravnog odbora Kantonalne agencije za privlačenje investicija i privatizaciju (predsjednik i dva člana).

Predsjednika i članove Upravnog odbora Kantonalne agencije za privlačenje investicija i privatizaciju imenuje Skupština Kantona Sarajevo, na prijedlog Vlade Kantona Sarajevo.

II - Opis pozicije

Upravni odbor Kantonalne agencije za privlačenje investicija i privatizaciju (u daljem tekstu: Agencija):

- donosi Statut Agencije, uz saglasnost Vlade Kantona;
- donosi Poslovnik o svom radu;
- donosi druge opće akte Agencije na prijedlog direktora, izuzev Pravilnika o radu;
- usvaja finansijski plan i program rada Agencije na prijedlog direktora;
- usvaja završni račun i izvještaj o radu Agencije;
- vrši i druge poslove u skladu sa zakonom i Statutom Agencije.



III - Mandat

Predsjednik i članovi Upravnog odbora Agencije imenuju se na period od četiri godine.

Predsjednik i članovi Upravnog odbora Agencije imaju pravo na naknadu za svoj rad u Upravnom odboru Agencije.

IV - Uslovi za pozicije

Svi kandidati moraju ispunjavati opće i posebne uslove.

Opći uslovi:

- a) da je državljanin Bosne i Hercegovine (dokaz: uvjerenje o državljanstvu),
- b) da je stariji od 18 godina (dokaz: izvod iz matične knjige rođenih ili fotokopija CIPS-ove lične karte),
- c) da nije osuđivan za krivično djelo (dokaz: uvjerenje nadležnog MUP-a),
- d) da nije osuđivan za privredni prijestup nespojiv sa dužnošću u upravnom odboru (dokaz: uvjerenje nadležnog suda),
- e) da se protiv njega ne vodi krivični postupak (dokaz: uvjerenje nadležnog suda),
- f) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),
- g) da se na njega ne odnosi član IX.1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),
- h) da nije na funkciji u političkoj stranci (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),
- i) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH" broj: 70/08) (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),
- j) da nije stariji od 65 godina na dan imenovanja.

Posebni uslovi:

- a) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja, završen ekonomski fakultet ili pravni fakultet (dokaz: original ili ovjerena fotokopija diplome),
- b) da ima najmanje pet godina radnog staža u struci nakon sticanja univerzitetske diplome (dokaz: original uvjerenje izdato od nadležnog organa za penzijsko i invalidsko osiguranje),
- c) da posjeduje sposobnost za savjesno, odlučno i odgovorno obavljanje povjerene funkcije (intervju),
- d) da posjeduje sposobnost nepristrasnog donošenja odluka (intervju),
- e) da posjeduje sposobnost upravljanja finansijskim resursima (intervju),
- f) da nema privatni finansijski interes u Kantonalnoj agenciji za privlačenje investicija i privatizaciju (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),
- g) da posjeduje komunikacijske i organizacijske sposobnosti i da je naklonjen timskom radu (intervju),



- h) da ima pozitivne rezultate rada ostvarene tokom karijere (dokaz: potvrda ili uvjerenje ili drugi pismeni dokaz kao preporuka od poslodavca),
- i) da nije član upravnog ili nadzornog odbora ili drugog organa upravljanja u drugom organu ili instituciji (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa).

Prilikom izbora i imenovanja neće se vršiti diskriminacija prema bilo kome na temelju rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja presude za koju je izrečeno pomilovanje.

V - Potrebni dokumenti

Uz obaveznu popunjenu i potpisanu prijavu na ovaj Javni oglas, koja se nalazi na web stranici Ministarstva privrede Kantona Sarajevo <http://mp.ks.gov.ba>, kandidat obavezno dostavlja (u originalu ili fotokopiji ovjerenoj od nadležnog općinskog organa ili notara) sljedeće potrebne dokumente:

1. biografiju,
2. uvjerenje o državljanstvu BiH (original ne starije od 6 mjeseci),
3. izvod iz matične knjige rođenih ili CIPS-ova lična karta (original ili ovjerena fotokopija),
4. izjavu kandidata da nije ranije osuđivan za krivično djelo (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
5. uvjerenje nadležnog suda da nije osuđivan za privredni prijestup nespojiv sa dužnošću u upravnom odboru (original ne starije od 6 mjeseci ili ovjerena fotokopija),
6. uvjerenje nadležnog suda da se protiv njega ne vodi krivični postupak (original ne starije od 6 mjeseci ili ovjerena fotokopija),
7. izjavu kandidata da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
8. izjavu kandidata da se na njega ne odnosi član IX 1. Ustava Bosne i Hercegovine (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
9. izjavu kandidata da nije na funkciji u političkoj stranci (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
10. izjavu kandidata da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH" broj: 70/08) (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
11. univerzitetsku diplomu (original ili ovjerena fotokopija),
12. uvjerenje o traženom radnom stažu u struci (original izdato od nadležnog organa za penzijsko i invalidsko osiguranje),
13. izjavu kandidata da nema privatni finansijski interes u Kantonalnoj agenciji za privlačenje investicija i privatizaciju (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
14. potvrdu ili uvjerenje ili drugi pismeni dokaz kao preporuku od poslodavca da ima pozitivne rezultate rada ostvarene tokom karijere (original ili ovjerena fotokopija),
15. izjavu kandidata da nije član upravnog ili nadzornog odbora ili drugog organa upravljanja u drugom organu ili instituciji (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),



16. izjavu kandidata kojom daje saglasnost da Ministarstvo privrede Kantona Sarajevo i Komisija za izbor po Javnom oglasu za imenovanje predsjednika i članova Upravnog odbora Kantonalne agencije za privlačenje investicija i privatizaciju, mogu obrađivati dokumente kojima se dokazuje njegov lični identitet shodno odredbama Zakona o zaštiti ličnih podataka ("Službeni glasnik BiH", br. 49/06, 76/11 i 89/11) (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa).

Napomena:

Prije imenovanja na poziciju predloženi kandidat dužan je Ministarstvu privrede Kantona Sarajevo dostaviti dokaz o ispunjavanju općeg uslova iz tačke c) ovog Javnog oglasa da nije osuđivan za krivično djelo, odnosno dostaviti uvjerenje nadležnog MUP-a da nije osuđivan za krivično djelo. Navedeno uvjerenje kandidat je dužan dostaviti u roku od 10 (deset) dana od dana utvrđenog prijedloga.

Ukoliko predloženi kandidat ne dostavi dokaz o ispunjavanju općeg uslova iz tačke c) ovog Javnog oglasa, predložit će se sljedeći najuspješniji kandidat sa rang-liste sa najboljim kandidatima koji je, također, prije imenovanja na poziciju u roku od 10 (deset) dana od dana kada je predložen, dužan Ministarstvu privrede Kantona Sarajevo dostaviti dokaz o ispunjavanju općeg uslova iz tačke c) ovog Javnog oglasa, odnosno dostaviti uvjerenje nadležnog MUP-a da nije osuđivan za krivično djelo.

VI - Rok za podnošenje prijave na Javni oglas

Kandidati su dužni uz prijavu koja sadrži adresu i kontakt telefon, priložiti biografiju i originalne dokumente ili ovjerene fotokopije dokumenata, koji su dokaz o ispunjavanju općih i posebnih uslova traženih ovim Javnim oglasom, u roku od 15 dana od dana posljednjeg javnog objavljivanja. Oglas će biti objavljen u "Službenim novinama Federacije BiH", u dnevnom listu "Dnevni avaz" i na web stranici Ministarstva privrede Kantona Sarajevo: <https://mp.ks.gov.ba/>.

VII - Ostale napomene

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje ministar privrede Kantona Sarajevo. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se ispuniti neposredno prilikom intervjuja.

Ni jedan kandidat neće biti stavljen na listu sa užim izborom ukoliko nije povoljno ocijenjen prema kriterijima za imenovanje. Sve informacije u toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka ("Službeni glasnik BiH", br. 49/06, 76/11 i 89/11). Nakon intervjuja, Komisija za izbor će predložiti rang-listu sa najboljim kandidatima odgovornom javnom službeniku na daljnje razmatranje. Kandidati koje nakon intervjuja preporučiti Komisija za izbor, smatrat će se da su najuspješnije prošli otvorenu konkurenciju.

U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ili postupci nisu ispoštovani, zainteresirana stranka može podnijeti prigovor na konačno imenovanje. Prigovor se podnosi ministru privrede Kantona Sarajevo, a kopija se dostavlja Ombudsmenu za ljudska prava Bosne i Hercegovine.



Prijave na Javni oglas sa svim traženim dokumentima se dostavljaju u zatvorenoj koverti lično ili poštom preporučeno na adresu: Ministarstvo privrede Kantona Sarajevo - Komisija za izbor, Sarajevo, ul. Reisa Džemaludina Čauševića broj 1, prizemlje, uz naznaku na koverti:

"Prijava na Javni oglas za imenovanje predsjednika i članova Upravnog odbora Kantonalne agencije za privlačenje investicija i privatizaciju – NE OTVARAJ". Na poledini koverta navesti ime i prezime podnosioca prijave, adresu i kontakt telefon.

Obrazac prijave na Javni oglas može se preuzeti sa web stranice Ministarstva privrede Kantona Sarajevo <http://mp.ks.gov.ba>.

Nepotpune, neblagovremene i neuredne prijave neće se uzeti u razmatranje.

